

28.8.2020

Čavčča ealgabivddus anus maiddái spiehkastagain jotkojuvvon báhčiniskkusduođaštusat, ragatráfáidahttin ovddežin

Koronadili dihtii meahcástanlága rievdadedje mannan giđa, vai 1.1.2017–31.7.2018 čađahuvvon báhčiniskosiid duođaštusat leat fámus suoidnemánu 2021 lohppii almmá ođđa báhčiniskosa. Ealagaealliid bivdináiggit čuvvot jagi 2019 áiggiid. Ealggá ragatráfáidahttin Davvi-Suomas seailu ovddežis, muhto eana- ja meahccedoalloministeriija gárvvista nuppástusa čuovvovaš bivdobadjái.

Lappis, Guossámis ja Taivalkoskis álgá boahte vahkus áradahtton ealgabivdobadji. Seammá láhkai eará sajjs riikkas sáhtta bivdit 1.9. rájes ealggá bealddus fákteiin ja vilgesbiežagotti eará sajjsge fákteiin.

Giđdat korona dilis dihtii riikkabeaivvit dohkkehii lága meahcástanlága 21 §:a gaskaboddasaš rievdadeamis nu, ahte 1.1.2017–31.7.2018 čađahuvvon báhčiniskosat leat fámus suoidnemánu 2021 loahpa rádjai almmá ođđa čađaheami. Nuppástus guoská ealga- ja goddeiskosa, guovžaiskosa, vuovdegoddeiskosa ja dávgeiskosa.

Nuppástusain figgat avástallat, ahte koronadili dihtii doalakeahtta báhčan báhčiniskosat eai hehte meahcásteaddjiid oassálastima ealgaellenáliid muddemii čavčča meahcástanbajis. Láhka bođii fápmui 4.5.2020 ja dat lea fámus 31.7.2021 rádjai.

- Báhčiniskosiid čađahemiid joatkimiin sihkkarastit, ahte ealga- ja goddenáliide vealtameahtton meahcásteapmi ordnašuvvá koronaáigge njuovžillit, eana- ja meahccedoalloministtar **Jari Leppä** dadjá.

Ealgabivddu ragatráfáidahttin seailu ovddežis dán bivdobajis, nuppástusaid gárvvistit čuovvovaš meahcástanbadjái.

Eana- ja meahccedoalloministeriija sáddii geassit cealkámušaide evttohusa Davvi-Suoma ealgabivddu ragatráfáidahttima oanideamis nu, ahte bivdu joatkašuvašii jo golggotmánu vuosttas vahkuloahpa. Nuppástusa evttohii Riikkaviidosaš fuođđoráđđi, go árra dálvi ja váttis muohtadilit leat hehtten ealgabivddu maŋimuš jagiid áigge Davvi-Suomas.

Evttohus oaččui guottihusa cealkámušjorrosis, muhto juridihkalaš sivaidd geažil nuppástusa eai geargan dahkat dán meahcástanbadjái. Ná ragatráfáidahttin bivdobajis, mii álgá dál, seailu dálá ásahusa mielde 21.9. – 9.10.2020.

- Anán dehálažžan, ahte Davvi-Suomas muohta ii eastte vuovdevahágiid geahpedeapmin dárbbaslaš ealغانáli muddema. Válmmaštallan nuppástusa ragatráfáidahttimii čuovvovaš meahcástanbadjái, eana- ja meahccedoalloministtar Jari Leppä dadjá.

Lassidieđut eana- ja meahccedoalloministerijas:

- eana- ja meahccedoalloministara sierra veahkki Teppo Säkinen, t. 050 5162868
- sierraáššedovdi Janne Pitkänen, t. 0295 162 338
- šleađgapoasttat: ovdanamma.sohkanamma@mmm.fi

Láhka meahcástanásahusa 21 §:a gaskaboddasaš nuppástuhttimis, 304/2020, 30.4.2020, bohtán fápmui 4.5.2020 <https://www.finlex.fi/fi/laki/alkup/2020/20200304>